

## Coucdeue lè pèi i vignoun blan ?

Tcheut lo 'avoun, è in moui lo patèi'oun, què câ la meun-a i coumin'e a sè plétté è lè pèi i taccoun a véén blan (la « *canitie* », comèn i djon lè spétchialista) 'oun lè prumiye rèmalque què no 'en en tren dè vièillic.

La couleul di noutre pèi ouc dè la noutra pi i vén dè la mélanina, in pimàn produic di sellule dè la pi. Lè pèi blantsèi'oun câ lè sellule, qu'í sè troucvoun i cuc dè tcheut lè pèi di noutro côl, i produèi'oun pomè la mélanina.

Co 'è di palpiye blantse (lè albèn) i y â la pi è lè pèi blan a coha qu'í manque la mélanina ; 'o l'et duc a in tzandzèmèn jeneteucco. Leûl i y â lè-z-ouè rodzo pelquè la coroida, eunna di péilloffre di-z-ouè qu'í manque dè pimàn i rèbaille la lutche di pitchoude vén-e di-z-ouè.

Côqueun i 'oun dza tot blan bièn dzouveun-o pelquè i 'oun dè caluttó paai : la legga sè tuye.

Djeusto lè Amérindièn y â po 'ic tracà, leûl i vignoun po ni blan ni plumou.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

Tiré de « [www.cybersciences.com](http://www.cybersciences.com) » de Philippe Chartier

Texte publié en 2008 sur « Lo Gnalèi »

Collaborateur de Fénis pour la traduction : Sergia Brunier

La transcription a été soignée par le Guichet Linguistique

Mise à jour de la graphie : octobre 2013